

四庫全書

子部

欽定四庫全書

子部  
玉海卷六十八

詳校官給事中臣查善長

主事<sub>臣</sub>祁韻士覆勘

總校官進士臣朱 鈞

校對官編修臣沈清藻

謄錄監生臣邱桂蟾

欽定四庫全書

玉海卷六十八

宋 王應麟 撰

禮儀

禮制

上

古者宮室車輿以為居衣裳冕弁以為服尊爵俎豆  
以為器金石絲竹以為樂以適郊廟以臨朝廷以事  
神而治民其歲時聚會以為朝覲聘問懽忻交接以

為射鄉食饗合衆興事以為師田學校下至里閭田  
晦吉凶哀樂莫不一出於禮由以教其民為孝慈友  
悌忠信仁義常不出於居處動作衣服飲食之間三  
代以亡遭秦變古後之有天下者一切用秦雖有欲  
治之主牽於時俗安於苟簡而已自漢以來史官所  
記皆有司之事爾所謂禮之末節也

伏羲嘉禮

禮記外傳嘉禮者好會之事起自伏羲以儷皮為幣始

制嫁娶

又禮記正義通典月令正義按世本伏羲制以儷皮嫁娶之禮

黃帝五禮

禮記正義尊卑之禮起於遂皇伏羲之時易道既彰禮事彌著古史考云制嫁娶以儷皮為禮則嘉禮始於伏羲也郊特牲云伊耆氏始為蜡熊氏曰即神農則祭祀吉禮起於神農也又史記云黃帝戰涿鹿則有軍禮易繫辭黃帝九事章則有凶禮論語撰考云軒轅知地利九牧倡教是賓禮也自伏羲以後至黃帝吉凶賓軍嘉

五禮始具論語殷因夏禮周因殷禮則夏商亦有五禮  
鄭康成注大宗伯云唐虞有三禮至周分為五禮不言

夏商者書篇散亡夏商之禮絕據周禮有文者而言周

公攝政六年致太平述文武之德而制禮

皇氏云禮理起於太一禮

事起於遂皇禮名起於黃帝

祭統禮有五經莫重於祭注吉凶賓

軍嘉以吉禮為首

堯禮

後漢曹褒傳元和二年詔曰帝命驗曰順堯考德題期

立象注宋均注曰堯省河洛得龜龍之圖書舜受禪後  
習堯禮得之演以為考河命題五德之期立將起之象  
凡三篇在中候 禮記外傳唐虞之際五禮明備

虞五禮 三禮 五典

舜典慎徽五典

注五常之教父義母慈兄友弟恭子孝  
舉八元使布之於四方朱氏曰父子有

親君臣有義夫婦有別  
長幼有序朋友有信

修五禮五玉

注修吉凶賓軍嘉  
之禮五等諸侯執

其玉疏以周五禮為此五禮者此篇類於上帝吉也如  
喪考妣凶也羣后四朝賓也大禹謨汝徂征軍也堯典  
女子時嘉也五禮之事並見於經鄭氏云公侯伯子男  
之禮 漢郊祀志修五禮五樂注五禮吉凶軍賓嘉也

契作司徒敷五教

五常之教

五品

疏云謂品秩一家之內尊卑之差即父母兄弟子是

也 朱氏曰五品父子君臣夫婦長幼朋友之名位等級

咨伯作秩宗典朕三禮

注天

地人之禮 疏秩宗即周之宗伯言三足以包五 鄭語伯夷能禮於神以佐堯 通典天地唯吉禮其餘四

禮並人事兼之 春秋正義延篤言張平子說三墳三禮禮為人防爾雅曰墳大防也書曰典朕三禮

臯陶謨天敘有典敕我五典五惇哉天秩有禮自我五

禮有庸哉

注公侯伯子男五等之禮 疏五禮再見於虞書而孔注自為牴牾王肅云五禮謂王公

卿大夫士鄭玄云天子諸侯卿大夫士庶民各

周禮

史舜紀堯乃試舜五典百官皆治  
宗伯疏禮論云唐虞有三禮至周分為五禮 通典修



贄類帝吉禮也釐降嬪虞嘉禮也羣后四朝賓禮也征

于有苗軍禮也過密八音凶禮也自伏羲以來五禮始

彰堯舜之時五禮咸備

禮記正義同云舜時五禮具備云三禮者據事天地與人為三

禮

王制正義鄭志云唐虞之禮五載一巡守

虞禮樂制度 黃帝禮樂制度

王制五年天子一巡守歲二月東巡守至于岱宗柴望

祀山川覲諸侯問百年就見之命太師

太師掌樂之官

陳詩以

觀民風命市納賈以觀民之好惡命典禮考時月定日

同律禮樂制度衣服正之山川神祇有不舉者為不敬  
不敬者君削以地宗廟有不順者為不孝不孝者君絀  
以爵變禮易樂者為不從不從者君流革制度衣服者  
為畔畔者君討有功德於民者加地進律南巡如東禮  
注天子以海內為家時一巡省之五年者虞夏之制也  
周則十二歲一巡守正義典禮之官於周則太史也正  
定甲乙之日陰管之同陽管之律玉帛之禮鐘鼓之樂  
及制度衣服各有差等舜典云同律度量衡大意與此

同也

堯典云五載一巡守  
正謂虞也連言夏耳

王制又曰三公一命卷注虞

夏之制天子服有日月星辰又曰諸侯五年一朝注虞

夏之制諸侯歲朝周制六服各以其服數來朝五年一

巡守者虞夏之制周則十二歲一巡正義堯典五載一

巡守謂虞也若夏與殷依鄭志當六年一巡守又曰天

子三公九卿二十七大夫八十一元士注此夏制也又

曰諸侯禘則不禘注虞夏之制諸侯歲朝廢一時祭

通典歲二月云云又命典禮之官考校四時月日及候

氣之律呂所用禮樂宮室車旗等制度君臣上下之衣服皆以王者所頒制度考校之 周官六年五服一朝

又六年王乃時巡考制度于四岳 史秦紀由余曰黃

帝作為禮樂法度身以先之 揚子問道篇虞夏襲堯

之爵行堯之道法度彰禮樂著 書觀四岳羣牧班瑞

于羣后協時月正日同律度量衡修五禮五玉

漢郊祀志作五

樂 三帛命伯夷作秩宗典三禮命夔典樂教胄子八音

克諧神人以和欲觀古人之象日月星辰山龍華蟲作

會宗彞藻火粉米黼黻絺繡以五采彰施于五色作服  
欲聞六律五聲八音在治忽以出納五言夔曰曷擊鳴  
球搏拊琴瑟以詠祖考來格虞賓在位羣后德讓下管  
鼗鼓合止祝敔笙鏞以間鳥獸蹌蹌簫韶九成鳳凰來  
儀

夏禮 殷禮 夏殷禮

中庸子曰吾說夏禮杞不足證也吾學殷禮有宋存焉  
論語殷因於夏禮周因於殷禮所損益可知也 禮

器天子之冕朱綠藻十有二旒注朱綠似夏殷禮也周禮天子五采藻 祭統春禘夏禘注謂夏殷時禮 祭

義注春禘者夏殷禮也周以禘為殷祭更名春祭曰祠

詩清廟疏以王制之法及鄭志所云殷禮春禘夏禘  
內宰疏夏殷之禮爵命不及於士周之禮上士三命

中士再命下士一命

殷六禮 七教 周十二教 見官制司 殷禮 商

禮俗

記王制司徒修六禮以節民性

冠昏喪祭  
鄉相見

明七教以興

民德

父子兄弟夫婦君  
臣長幼朋友賓客

齊八政以防淫

飲食衣服事為  
異別度量數制

正義此六禮七教並是殷禮周則五禮十二教也書

洛誥王肇稱殷禮祀于新邑咸秩無文疏時制禮已訖

而云殷禮者此殷禮即周公所制禮也雖有損益以其

從殷而來故稱殷禮既用騂牛明用周禮顧氏云舉行

殷家舊祭祀用周之常法言周禮即殷家之舊禮也鄭

玄云王者未制禮樂常用先王之禮樂周公制禮樂既

成不使成王即用周禮仍令用殷禮者欲待明年即政告神受職然後班行周禮故告神且用殷禮也 君奭殷禮陟配天多歷年所 郊特牲注魯公之郊用殷禮詩殷武箋商邑之禮俗翼翼然可則倣 樂記注武王使箕子視商禮樂之官

殷王居明堂禮

月令迎春東郊注王居明堂禮曰出十五里迎歲蓋殷禮也周近郊五十里

正義逸禮篇名 顏師古以為文王當攷

仲春高禘



注王居明堂禮曰帶以弓韉 季春磔禳注亦引之

仲秋水始涸注引季秋除道 仲冬引孟冬之月命農

畢積聚收牛馬 季冬引季冬命國為酒合三族君子

說小人樂

禮器注引仲秋乃命國釀

茶邕明堂論亦引之

唐

禮志貞觀中顏師古議明堂曰文王居明堂之篇帶弓

韉禮高禘九門磔禳國有酒以合三族推其事皆與月

令合則皆在路寢也

會要無文王二字 又有置除道以利農夫一句

詩疏

袁準正論云古有王居明堂之禮月令則其事也

夏殷國典

月令季冬天子與公卿大夫共飭國典論時令以待來  
歲之宜注飭國典者和六典之法也周禮以正月為之  
建寅而縣之今用此月所因於夏殷也

周五禮 六儀 五典 武王五教 三十六禮

禮大司徒六藝

注禮五禮之義

以五禮防萬民之偽教之中

保氏教六藝一曰五禮

吉凶軍賓嘉

教之六儀曰祭祀賓客

朝廷喪紀軍旅車馬之容

祭祀齊齋皇皇賓客穆穆皇皇朝廷濟濟翔翔喪紀栗栗

顛顛軍旅暨暨路  
駟車馬匪匪翼翼

大宗伯注禮謂曲禮五其別三十

有六

疏大宗伯總掌三十六禮之等

吉禮之別十有二

禮祀實柴禋燎血祭粢沈黼辜

肆獻裸饋食

凶禮之別五

喪荒吊

賓禮之別八

朝宗覲遇會同

問軍禮之別五

大師大均大田大役大封

嘉禮之別六

飲食昏冠賓射饗燕脰膾

賓

小宗伯掌五禮之禁令與其用等

籩人注今吉

禮存者特牲少牢諸侯之大夫士祭禮也皆云饋食之

禮 內宰以陰禮教六宮九嬪

都宗人正都禮家宗

人掌家禮

記明堂位周公攝政六年制禮疏周官儀

禮也 樂記武王云云五者天下之大教也疏郊射一  
禋冕二祀明堂三朝覲四耕籍五 書周官司徒敷五  
典注五常之教疏五典即五教謂父義母慈兄友弟恭  
子孝也 君牙弘敷五典

周九儀 九禮 五儀

大宗伯以九儀之命正邦國之位

每命異儀貴賤之位乃正

壹命受

職

始見命為正吏

再命受服

受玄冕之服

三命受位

列國之卿始有列位於王

四

命受器

公之孤始得有祭器

五命賜則

則地未成國之名王莽時以二十五成為則方五十

里六命賜官

王六命之卿使得自置其臣治家邑如諸侯

七命賜國

王之卿六命出

封加一等者

八命作牧

侯伯有功德者加命得專征伐

九命作伯

上公有功德者加命

為二伯得征五侯九伯者受以義言賜以禮言作以功言賜以君為主受與作以臣為主其實一而已

小宰八成五曰聽祿位以禮命

注司農謂九賜也玄謂九命之差等疏謂若大

宗伯九儀從一命以至九

典命掌諸侯之五儀諸臣之五等之命

注五儀公侯伯子男之儀五等謂孤以下四命三命再命一命不命也疏此五儀有三等之命命雖有同者其

儀皆異大宗伯據九等之命為九儀命異儀即異此據五等之爵為五儀是以命同儀有異

上公九

命為伯其國家宮室車旗衣服禮儀皆以九為節侯伯

七命以七為節子男五命以五為節王之三公八命其卿六命其大夫四命及其出封皆加一等諸侯適子誓於天子攝其君則下其君之禮一等未誓以皮帛繼子男公之孤四命以皮帛眡小國之君其卿三命大夫再命士壹命侯伯之卿大夫士亦如之子男之卿再命大夫壹命士不命宮室車旗衣服禮儀各眡其命之數

典命

所言自尊以及卑大宗伯所言由小以及大天子制命於上諸侯承命於下而皆有儀焉

內宰疏見上

大司馬九法設儀辨位以等邦國

謂諸侯及諸臣之儀

大行人

以九儀辨諸侯之命等諸臣之爵以同邦國之禮而待

其賓客

九儀謂命者五公侯伯子男爵者四孤卿大夫士

諸侯之王事辨其位

正其等協其禮 小行人協九儀賓客之禮朝覲宗遇

會同君之禮也存規省聘問臣之禮也 司儀掌九儀

之賓客擯相之禮以詔儀容辭令揖讓之節詔王儀南

鄉見諸侯土揖庶姓時揖異姓天揖同姓擯之各以其

禮

掌訝掌邦國之等籍

等九儀之籍

掌交諭九禮之親

九儀之禮

大司徒十二教五曰以儀辨等

杜子春注謂九儀

史

蘭相如傳秦設九賓於廷

注韋昭曰九賓則周禮九儀索隱曰九服之賓容

左傳宋左師獻公合諸侯之禮六

注其禮六儀

子產獻

伯子男會公之禮六 周九儀記先王之制莫急

於儀惟周質隆朝有朝儀射有射儀車有車儀樂

有樂儀而玉帛弁冕履舄之容藹如也鸞和環佩

瑤琚之聲鏘如也升降出入之際翼如也而賓儀

之辨尤極纖悉蓋朝覲宗遇歲有常禮弁冕紳綏

四方朝貢麟次輻集交際酬酢爵列少紊則禮容



乖錯而位著不恪其係於觀瞻豈細事哉抑嘗細繹周  
官辨儀之深意還觀九儀布在六典馭貴富以爵祿詔  
於太宰聽祿位以禮命敘於小宰以儀辨等見於大司  
徒正儀辨位見於大司馬至其命秩則掌於春官意者  
出爵賜命藹然如春所以昭示上仁其儀章則詳於秋  
官意者序爵秩禮肅然如秋所以森嚴典憲擯相謹於  
司儀禮籍具於小行人掌訝辨其邦國之等掌交論其  
九禮之親康成傳經皆以九儀釋之然儀之別雖至於

九儀之總不過乎五又約而言之則三而已故典命之  
敘諸侯曰五儀諸臣曰五命而軻書王制之序爵皆五  
等也武成之列爵惟五於是可攷矣司服有公之服侯  
伯之服子男之服掌客有公之禮侯伯之禮子男之禮  
行人敘諸侯則曰如諸公男則曰如諸子而司儀贊見  
亦為壇三成序揖皆三等也武成之分土惟三於是可  
驗矣王朝內臣外貶侯邦之秩上公之孤旁貶小國之  
君由卿三命下而至士至於一命則侯伯所同由卿再

命下而至士微或不命則子男所獨大槩亦不越乎三耳儀以九為數故詳而難紊儀以三為等故簡而易明至其品節隆殺之間尤截截可攷三公在朝止於八命及其出封惟加一等故典命之論禮儀必以九為節而王制之論加賜不過九命有如王者袞冕盛於九章上公之服則無升龍別嫌明微其分辨嚴矣然至於合諸侯長則具十有二獻蓋禮不可以力踰禮不厭其從厚是固先王闢闔之大用王綱不振舊章湮汨玉毀同賜

而等列無所辨繁纓假人而名器無所司金奏施於陪  
臣雍徹僭夫天子滕薛爭長蔡衛爭先宋不受功鄭不  
承賦甚至班爵去籍而益蕩然矣漢氏革初百官之制  
綿叢一代之禮長樂朝儀設九賓之臚傳德陽朝賀作  
九賓之徹樂韋昭注史謂九賓猶古之九儀若位置之  
有法然列爵二十等雜用秦制武功十七級特優戰士  
至於中朝加官之設特進賜位之殊更立紛紛非甚有  
紀唐之正至受朝太極百官文武之班諸郡朝集之使

與夫先聖之裔先代之後文纓武袞濟濟諸蕃宗室莫不咸在當時文士之賦亦有天子端朝明庭九賓之語訊其唐之官制視漢已愧九品敍爵階區區泐襲隋陋仰企成周不亦大有逕庭乎噫大經大法存乎禮度數纖悉具於儀魯昭習儀君子不謂知禮趙簡子問儀子大叔力辨其非禮其有以也先王盛時九畿有籍外列蠻夷鄭氏之注以為禮差之書大宗伯九儀之命非但行乎六服之內必有大者以維持乎是故曰禮儀三百

威儀三千待其人然後行

周六禮

春官大宗伯以肆獻裸享先王以饋食享先王以祠春  
享先王以禴夏享先王以嘗秋享先王以烝冬享先王

疏此一經陳享宗廟  
之六禮也詳見宗廟

以賓禮親邦國春見曰朝夏見曰

宗秋見曰覲冬見曰遇時見曰會殷見曰同

義宗曰此  
六者為君

禮時聘曰問殷親  
曰視二者為臣禮

注此六禮者以諸侯見王為文朝猶

朝也欲其來之早宗尊也欲其尊王覲勤也欲其勤王

事遇偶也欲其若不期而至時見者言無常期諸侯有不順服者王將有征討之事則既朝覲王為壇於國外合諸侯而命事焉春秋傳曰有事而會殷猶衆也十二歲王如不巡守則六服盡朝朝禮既畢王亦為壇合諸侯以命政焉 秋官大行人春朝諸侯而圖天下之事秋覲比邦國之功夏宗陳天下之謨冬遇協諸侯之慮時會發四方之禁殷同施天下之政

注此六事以王見諸侯為文司馬法

曰春朝圖同事夏宗陳同謀秋覲比同功冬遇圖同慮時會施同政殷會發同禁

侯服歲見甸

服二歲見男服三歲見采服四歲見衛服五歲見要服  
六歲見蕃國世一見 曲禮天子當依而立諸侯北面  
而見天子曰覲天子當宁而立諸公東面諸侯西面曰  
朝注夏宗依春冬遇依秋春秋時齊侯唁魯昭公以遇  
禮相見取易畧也覲禮今存朝宗遇禮今亡

周禮經

見前六  
經類

大宰建邦之六典注典常也經也法也王謂之禮經常  
所秉以治天下也邦國官府謂之禮法常所守以為法



式也常者上下通名疏釋言云典經也凡言經者以經紀天下左傳序宣子所見周之舊典禮經疏傳稱分魯公備物典策典策則史官記事之法若發凡言例皆周公制若所記無法何足賜諸侯周衰諸國多違舊章唯春秋遵周公之典以序時事周之所以王文王作易象也春秋獨遵周公典法故先言周公之德 隱七年春同盟稱名繼好息民謂之禮經注此言凡例乃周公所制禮經也十一年不告之例又曰不書於策明禮經

皆當書於策疏此為禮之常法丘明意言周公謂之  
閔元年仲孫曰魯猶秉周禮周禮所以本也魯不棄周  
禮未可動也僖二十一年成風曰崇明祀保小寡周禮  
也二十五年卜偃曰周禮未改今之王古之帝也 文  
十八年太史克曰周公制周禮曰則以觀德德以處事  
事以度功功以食民 宣十六年王曰享有體薦宴有  
折俎公當享卿當宴王室之禮也 成二年晉獻齊捷  
王使委於三吏禮之如侯伯克敵使大夫告慶之禮降

於卿禮一等

僖十一年王以上卿之禮饗管仲受下卿之禮 昭四年左師獻公合諸侯之禮六

子產獻伯子男 會公之禮六

昭二年韓宣子適魯見易象與魯春

秋曰周禮盡在魯矣吾今知周公之德與周之所以王

十五年叔向曰禮王之大經也言以考典與以志經二十六年王子朝告諸侯及先王之經

哀七

年子服景伯曰周之王也制禮上物不過十二今棄周禮而曰必百牢子貢曰大伯端委以治周禮 晉語公

子如楚楚成王以周禮享之 魯昭公自郊勞至贈賄

無失禮女叔齊曰是儀也不可謂之禮禮所以治其國

行其政令無失其民趙簡子問揖遜周旋之禮子太叔曰是儀也非禮也禮上下之紀天地之經緯民之所以生也二子知禮之本末矣然制度文為雖禮之末捨此則安上治民之意無以寓

周禮籍

小行人掌邦國賓客之禮籍以待四方之使者令諸侯春入貢秋獻功王親受之各以其國之籍禮之注名位尊卑之書疏邦之禮籍諸侯及臣皆在大司馬九畿

之籍注其禮差之書也 掌訝掌邦國之等籍以待賓

客注等九儀之差數 禮運天子適諸侯必舍其祖廟

而不以禮籍入是謂壞法亂紀注謂太史典禮執簡記

奉諱惡 左傳晉獻齊捷于周王告之曰非禮也勿籍

孫伯黶司晉典籍 王子朝奉周之典籍以奔楚 孟子諸侯惡其害已皆去

其籍 漢志諸侯惡禮制之害已去其篇籍 後輿服

志戰國削滅禮籍修奇麗之服飾其輿馬文罽玉纓象

鑣金鞍以相夸 周語富辰曰鄭未失周典太子晉曰

省其典圖刑法

周禮書

大史下大夫二人大祭祀與執事卜日戒及宿之日與羣執事讀禮書而協事祭之日執書以次位常大會同朝覲以書協禮事及將幣之日執書詔王疏當此二日之時與羣執事預祭之官讀禮書而協事執書者執行祭祀之書若今儀注

周制

見六經禮類

三代典禮

周語晉侯使隨會聘于周定王饗之殺烝原公相禮武

子歸乃講聚三代之典禮修執秩以為晉法

文公蒐被廬作執秩

之法

禮記公叔文子聽衛國之政修其班制

明堂位

注巖周禮謂之距疏非周禮正文言周代禮儀故少牢禮俎距是也 漢志河間周制十八篇似河間獻王所

述

儒家

### 周灋儀

大僕祭祀賓客正王之服位詔灋儀贊王牲事王燕飲

相其灋

小臣掌王之小命詔相王之灋儀

注趨行拱揖之

容

齊僕其灋儀各以其等為車送逆之節

道

僕其灋儀如齊車

射人祭祀贊射牲相孤卿大

夫之灋儀

以射灋治射儀

隋志儀注之興久矣上下親

疏之別進止威儀之數唐虞已上分之為三在周

因而為五周官宗伯所掌而太史執書以協事之

類是也

周禮樂書



儀禮鄉飲酒禮南陔白華華黍注昔周之興也周公制禮作樂采時世之詩以為樂歌所以通情相風切也其有此篇明矣後世衰微幽厲尤甚禮樂之書稍稍廢棄

### 魯禮

史記齊世家景公二十六年

魯昭二十六年

獵魯郊因入魯與

晏嬰俱問魯禮

左傳無其事

左傳周禮盡在魯諸侯宋魯

於是觀禮 明堂位魯王禮也天下資禮樂焉 中庸

吾學周禮今用之吾從周疏鄭答趙商問曰魯與諸侯

皆用周之禮法 王制注魯禮三年祫 郊特牲祭之日被袞注此魯禮也

漢叔孫通禮儀 朝儀 長樂宮朝儀 宗廟

儀法 奉常儀法

叔孫通傳漢王并天下諸侯共尊為皇帝於定陶通就其儀號高帝悉去秦儀法為簡易羣臣飲爭功醉或妄呼按劍擊柱上患之通說上曰願召魯諸生與臣弟子共起朝儀禮者因時世人情為之節文臣願頗采古禮

與秦儀雜就之上曰度吾所能行為之通使召魯諸生

三十餘人魯有兩生不肯行曰禮樂所由起百年積德

而後可興也通遂與所召三十人西及上左右為學者

與其弟子百餘人為綿蕞野外

如淳曰以茅翦樹地為  
纂位尊卑之次也春秋

傳曰置茅絕師  
古曰蕞與絕同

習之月餘通曰上可試觀上使行禮曰

吾能為此迺令羣臣習肄會十月漢七年長樂宮成諸

侯羣臣朝十月

時以十月為正月  
以十月為首行朝歲之儀

儀先平明謁

者治禮引以次入殿門廷中陳車騎戍卒

史記云  
步卒

衛官

設兵張旗志傳曰趨殿中郎中俠陞陞數百人功臣列  
侯諸將軍軍吏以次陳西方東鄉文官丞相以下陳東

方西鄉行人設九賓

今之鴻臚也

臚句傳

九賓周禮九儀也

於是皇

帝輦出房百官執戟傳警引諸侯王以下至吏六百石  
以次奉賀自諸侯王以下莫不震恐肅敬至禮畢盡伏  
置法酒諸侍坐殿上皆伏抑首以尊卑次起上壽觴九  
行謁者言罷酒御史執法舉不如儀者輒引去竟朝置  
酒無敢謹譁失禮者高帝曰吾迺今日知為皇帝之貴

也拜通為奉常賜金五百斤孝惠徙通為奉常定宗廟  
儀法及稍定漢諸儀法皆通所論著也贊曰舍枹鼓而  
立一王之儀 禮志命叔孫通制禮儀以正君臣之位

以通為奉常遂定儀法未盡備而通終

執文志不載曹  
褒傳云十二篇

通將制定禮儀見非於齊魯之士叔孫通所撰禮儀與  
律令同錄臧於理官法家又復不傳漢典寢而不著

儒林傳叔孫通作漢禮儀因為奉常諸弟子共定者咸  
為選首然後喟然興於學 郊祀志贊叔孫生畧定朝

廷之儀若正朔服色郊望之事數世猶未章焉 史記  
禮書秦悉內六國禮儀采擇其善雖不合聖制其尊君  
抑臣朝廷濟濟依古以來叔孫通頗有增損大抵皆襲  
秦故自天子稱號下至佐僚及宮室官名少所變改

後曹褒傳班固上叔孫通漢儀十二篇

見曹褒禮

後志注

樊長孫曰漢家禮儀叔孫通等所草創皆隨律令在理  
官藏於几閣無紀錄者久令一代之業闇而不彰 通  
典秦收儀禮歸之咸陽但采其尊君抑臣以為時用

陳書沈文阿云叔孫定禮尤失前憲莫贄不珪致享無  
帛公王同璧鴻臚奏賀若此數事未聞於古 隋志漢  
興叔孫通定朝儀武帝始祀汾陰后土成帝初定南北  
郊節文漸具後漢曹褒定漢儀是後相承世有制作

禮記疏案高祖時皇太子納妃叔孫通制禮以為天子  
無親迎 周禮疏通作漢禮器制度取法於周 陸機

集功臣頌百王之極舊章靡存漢德雖明朝儀則昏稷  
嗣制禮下肅上尊穆穆帝典煥其盈門風晞三代憲流

後昆 揚子五帝垂典三王傳禮百世不易叔孫通起於枹鼓之間解甲投戈遂作君臣之儀得也

漢儀法 儀品

叔孫通傳高帝悉去秦儀法為簡易云云孝惠徙通為奉常定宗廟儀法及稍定漢諸儀法

志云遂定儀法

賈誼傳

以為漢興二十餘年天下和洽當改正朔易服色制度定官名典禮樂乃草具其儀法色上黃數用五為官名悉更秦之帝謙遜未皇也 史梁世家褚先生曰漢之



儀法朝見賀正月者常一王與四侯俱朝見十餘歲一

至梅福傳上書曰叔孫通歸漢制作儀品論衡曰高祖詔叔孫

通制作儀品十六篇後百官志注舊制儀品見官名韓延壽傳

守潁川教以禮讓問謠俗陳和睦親愛長老皆以為便

因與議定嫁娶喪祭儀品略依古禮不得過法令文學

校官諸生皮弁執俎豆為吏民行喪嫁娶禮百姓遵用

其教建初元年秦彭守山陽春秋饗射修升降揖讓之儀許后傳壬寅日大長

秋受詔椒房儀法御服輿駕皆如竟寧以前故事禮

內宰注若今稱皇后為中宮矣疏漢舊儀有此事也

漢王制

郊祀志文帝十六年四月使博士諸生刺六經中作王制謀議巡狩封禪事 史記索隱劉向七錄云文帝所

造書有本制兵制服制篇 禮記王制注盧氏云文帝

令博士諸生作此篇

自王者之制祿爵至六禮七教八政

正義鄭氏目錄

云王制記先王班爵授祿祭祀養老之法度鄭答臨碩

云王制在孟子後

有正聽之又古者周尺之言知在秦漢之際

或曰王制言

爵祿取孟子言巡狩取虞書言歲三田及大司徒司馬司空三官取公羊氏言諸侯朝聘之節取左氏其餘必皆有所授鄭氏於不可通者必曰此殷制非也史記禮書孝文即位有司議欲定儀禮孝文好道家之學罷去之 賈誼請定經制令君君臣臣上下有差父子六親各得其宜 王吉言述修舊禮明王制

漢禮樂古事

志通沒之後河間獻王采禮樂古事稍稍增輯至五百餘篇今學者不能昭見但推士禮以及天子說義又頗謬異

漢未有立禮成樂此賈誼仲舒王吉劉向之徒所為增歎

敘傳河間賢明禮

樂是修為漢宗英 宋志班氏志禮樂疎簡所漏者多典章事數百不記一

漢太初宗廟百官儀 漢官禮儀故事 朝廷

制度

史記禮書武帝招致儒術之士令共定儀十餘年不就

上制詔御史曰漢亦一家之事典法不傳謂子孫何化  
隆者閱博治淺者褊狹可不勉歟乃以太初之元改正  
朔易服色封泰山定宗廟百官之儀以為典常垂於後

云封禪自制儀采  
儒術以文焉

郊祀志贊太初改制服色數度遂

順黃德 應劭傳建安二年遷都許昌舊章湮沒書記

罕存乃綴緝所聞著漢官儀故事

唐志職官類應劭漢  
官五卷漢官儀十卷

隋志韋昭官  
儀職訓一卷七

凡朝廷制度百官典式多劭所立論當

時行事著中漢輯序撰風俗通以辨物類名號釋時俗

嫌疑文雖不典後世服其洽聞凡所著述百三十  
六篇 續漢書劭著中漢輯叙漢官儀及禮儀故  
事凡十一種百三十一卷朝廷制度百官儀式所  
以不亡者由劭記之 光武紀行司隸校尉三輔  
吏士見司隸僚屬皆喜老吏或垂涕曰不圖今日  
復見漢官威儀識者皆屬心焉 耿純傳謁光武  
於邯鄲退見官屬將兵法度不與它將同遂自結

納

漢儀注

帝紀注高紀二年五月注如淳曰漢儀注民年二十二  
為正一歲為士一歲為材官騎士四年八月算賦注如  
淳曰漢儀注民年十五以上至五十六出賦錢人百二  
十為一算五年幸天下晉灼曰漢儀注民臣被其德為  
徼幸 惠紀如淳曰漢儀注省中有五尚 武紀元鼎  
五年如淳曰漢儀注酎黃金元封元年引漢儀注御史  
有屬太初二年如淳引漢儀注立秋糶腰 宣紀本始

四年師古曰漢儀注太宰令 哀紀任子令應劭引漢

儀注 百官表注如淳引漢儀注衛率主門衛秩千石

晉灼引漢儀注諸吏給事中平奏 列傳注金敞傳綠

車晉灼曰漢注綠車名皇孫車 司馬遷傳如淳曰漢

儀注太史公武帝置晉灼曰衛宏所說多不實未可以

為正 戾太子傳如淳曰漢儀注女長御比侍中 張

湯傳蘇林曰漢儀注獄二十六所 韋玄成傳晉灼曰

漢儀注宗廟一歲十二祠 翟方進傳如淳引漢儀注



後輿服志注蔡邕表志曰宜集舊事儀注以成志

漢儀 漢儀式

見律令應劭 周禮小祝注杜子春引漢儀 章帝紀注

引丁孚漢儀式 祭祀志注引丁孚漢儀 祭法疏案

漢儀高帝廟主九寸前方後圓圍一尺后主七寸 隋

志曹褒定漢儀 通典晉顧和按衛宏撰漢儀拜丞相

亦無樂 唐志職官類丁孚漢官儀式選用一卷

漢五禮

祭祀志建武三十二年二月上至奉高刻石文曰建明

堂立辟雍起靈臺設庠序同律度量衡修五禮

孔安國曰公侯

伯子男朝聘之禮  
甯云吉凶軍賓嘉也

范

五玉三帛二牲一死贊吏各修

職復于舊典

漢曹褒新禮 漢禮 禮簡

本傳褒父充建武中為博士從巡狩岱宗定封禪禮受  
詔議立七郊三雍大射養老禮儀顯宗即位充上言漢  
再受命仍有封禪之事而禮樂廢缺五帝不相沿樂三

王不相襲禮大漢自制禮以示萬世帝善之改大予樂  
拜充侍中作章句辨難於是有慶氏學衰少篤志傳業  
尤好禮事常感朝廷制度未備慕叔孫通為漢禮儀晝  
夜研精沈吟專思寢則懷抱筆札行則誦習文書拜博  
士肅宗欲制定禮樂元和二年下詔曰河圖稱赤九會  
昌十世以光十一以興尚書璇璣鈴曰述堯理世平制  
禮樂放唐之文褒知帝旨欲有興作上疏曰聖人受命  
制禮作樂以著功德今皇天降祉嘉瑞並臻制作之符

甚於言語宜改文制著成漢禮丕顯祖宗盛德之美章  
下太常太常巢堪以為一世大典非襲所定不可許帝

知羣儒拘攣難與圖始朝廷禮憲宜時刊立

肅宗紀贊  
左右執文

斟酌  
律禮

明年復下詔曰朕以不德膺祖宗弘烈乃者鸞鳳

仍集麟龍並臻甘露宵降嘉穀滋生赤草之類紀於史  
官朕夙夜祇畏上無以彰於先功下無以克稱靈物漢  
遭秦餘禮壞樂崩且因循故事未可觀省有知其說者  
各盡其能襲省詔嘆息復上疏具禮陳樂之本制改之

意拜褻侍中以事下三公未及奏詔召玄武司馬班固  
問改定禮樂之宜固曰京師諸儒多能說禮宜廣招集  
共議得失帝曰諺曰作舍道邊三年不成會禮之家名  
為聚訟互生異議筆不得下昔堯作大章一夔足矣章  
和元年正月乃召褻詣嘉德門令小黃門持班固所上  
叔孫通漢儀十二篇敕褻曰此制散略多不合經今宜  
依禮條正使可施行於南宮東觀盡心集作褻既受命  
乃敘次禮事依準舊典雜以五經識記之文撰次天子

至於庶人冠昏吉凶終始制度以為百五十篇寫以二尺四寸簡其年十二月奏上帝以衆論難一故但納之不復令有司平奏和帝即位褒乃作為章句帝遂以新

禮二篇冠

永初三年正月甲子

擢褒監羽林左騎後

五年十一月乙丑

太

尉張輔尚書張敏等奏褒擅制漢禮破亂聖術宜加刑誅帝雖寢其奏漢禮遂不行范史論曰孝章永言前王明發興作專命禮臣撰定國憲而業絕天算議黜異端斯道復墜矣樂非夔襄而新音代起律謝臯蘇而制令

亟易修補舊文獨何猜焉 張奮傳永元十三年拜太  
常上疏漢當改作禮樂圖書著明謹條禮樂異議三事  
願下有司以時考定先帝已詔曹褒今但奉而成之猶  
周公斟酌文武之道非自為制帝善之未行 張衡傳  
永初中謁者僕射劉珍校書郎劉駒駭等著作東觀撰  
集漢記因定漢家禮儀上言請衡參論其事會並卒衡  
常歎息欲終成之 劉歆書曰綴學之士因陋就寡信  
口說而背傳記是末師而非往古至國家將有大事若

立辟雍封禪巡狩之儀則莫知其原

漢舊儀

儒林傳衛宏好古學光武以為議郎宏作漢舊儀四篇

以載西京雜事 隋志漢舊儀四卷衛敬仲撰 唐志同儀注類

第一 四卷 梁有衛敬仲漢中興儀一卷 亡 中興書目今

存者三卷非宏全書 崇文目同 元封舊儀 見封禪 武紀

注引漢舊儀通天臺高三十丈 成紀注師古引漢

舊儀云尚書四人為四曹 孔光翟方進傳注引之



又祭祀  
志注

宋志漢世朝臣見三公並拜丞郎見八座皆

持板揖事見漢儀及漢舊儀 列傳伏湛光武知湛名

儒拜尚書使典定舊制 侯霸曰漢家舊制丞相拜日

封為列侯 張純奏漢舊制三年一祿 陳忠上疏大

漢之興先王之制稍以施行藉田之耕起於孝文孝廉

之貢發於孝武郊祀之禮定於元成三雍之序備於顯

宗 荀爽對策今臣僭君服下食上珍宜略依古禮尊

卑之差及董仲舒制度之別注仲舒曰王者正法度之

宜別上下之序以防欲也 隋志職官類蔡質

漢官典職儀式選用二卷 唐志職官類蔡質

漢官典儀一卷 書目漢官典儀一卷衛尉蔡質

撰記漢官位序職掌及上書謁見儀式

本二卷缺一卷李臺

補之

漢禮威儀

漢制度

見禮類漢禮器制度

續禮儀志夫威儀所以定君臣序六親也若君亡君之威臣亡臣之儀上替下陵是謂大亂可不謹哉故記施

行威儀以為志禮威儀每月太史上其月曆合朔立春  
五供上陵冠夕牲耕高禱養老先蠶被禊立夏請雨拜  
太子拜王公桃印黃郊立秋驅劉案戶祠星立冬冬至  
臘大儺土牛遣衛士朝會大喪諸侯王列侯始封貴人  
公主薨 謝沈書太傅胡廣博綜舊儀立漢制度蔡邕  
依以為志譙周後改定以為禮儀志 宋志司馬彪集  
後漢衆注以為禮儀志校其行事與前漢頗不同

漢郊祠禮儀

郊祀封禪禮儀

郊廟昏冠禮

儀 七郊三雍大射禮儀

後傳樊儵永平元年拜長水校尉與公卿雜定郊祠禮儀以讖記正五經異說 梁松遷虎賁中郎將明習故

事與諸儒修明堂辟雍郊祀封禪禮儀常與論議 張

純在朝歷世明習故事建武初舊章多缺每有疑議輒以訪純自郊廟婚冠喪紀禮儀多所正定 曹充禮儀

上見 董鈞永平初為博士時草創五郊祭祀及宗廟禮

樂威儀章服輒令鈞參議多見從用

漢中興禮儀

見養老

漢甘泉遺儀

文選任彥昇薦士表甘泉遺儀注胡廣漢官制度曰天子出車駕次第謂之鹵簿長安時出祠天於甘泉用之名曰甘泉鹵簿

漢洛邑制度

班固傳時京師修起宮室濬治城隍固乃上兩都賦盛

稱洛邑制度之美以折西賓淫侈之論 東都賦遷都  
改邑有商宗中興之則焉即土之中有周成隆平之制  
焉永平之際三雍巡守蒐狩會同命有司班憲度子徒  
知阿房之造天而不知京洛之有制也

漢禮器制度

見三禮類 南齊志漢初叔孫通制漢禮而班固之  
志不載東京大尉胡廣撰舊儀左中郎蔡邕造獨斷  
應劭蔡質咸綴識時事而司馬彪之書不取魏侍中

王粲尚書衛覬集創朝儀而魚豢王沈陳壽孫盛並未詳也吳則太史令丁孚拾遺漢事蜀則孟光許慈草建衆典

漢禮

儀禮鄉射禮疏中人之迹尺二寸者無正文漢禮云五武成步步六尺或據此而言也

魏官儀

衛覬傳受詔典著作又為魏官儀 隋志梁有荀攸魏

官儀一卷 亡

齊百官志今有魏氏官儀魚豢中外官

王粲傳拜侍中時舊儀廢弛興造制度粲常典之

衛覲

與粲並典制度

王肅傳所論駁朝廷典制郊祀宗廟凡百餘

篇 王基傳散騎常侍王肅著諸經傳解及論定朝儀  
改易鄭玄舊說而基據持玄義常與抗衡

魏晉儀注

春秋正義魏晉儀注寓章表別起行頭者謂之跳出

晉志魏氏光宅憲章斯美王肅高堂隆之徒博通前載



三千條之禮十七篇之學各以舊文增損當世

晉新禮

志魏氏承漢末大亂舊章殄滅命侍中王粲尚書衛覲  
草創朝儀及晉建國文帝命荀顛因魏代前事撰為新

禮

唐志荀顛等晉雜  
議十卷在儀注類

參攷今古更其節文羊祜任愷庾

峻應貞並共刊定成百六十五篇奏之太康初尚書僕  
射朱整奏付尚書郎摯虞討論之虞表所宜增損曰臣  
典校故太尉顛所撰五禮臣以為革命垂統帝王之美

事隆禮率教邦國之大務也此禮當頒於天下不宜繁多顛為百六十五篇篇為一卷合為十五餘萬言臣猶謂卷多文煩類皆重出按尚書堯典祀山川之禮惟於東嶽備禘牲幣之數陳所用之儀其餘則但曰如初周祀天地享先王其事同者皆曰亦如之文約而義舉今禮儀事同而名異者輒別為篇卷煩而不典皆宜省文而通事隨類合之事有不同乃別其異如此所減三分之一虞討論新禮訖以元康元年上之所陳惟明堂五帝

二社六宗及吉凶王公制度凡十五篇有詔可其議後  
虞與傅咸續其事竟未成功虞之決疑注是其遺事也  
逮于江左僕射刁協太常荀崧補緝舊文光祿大夫蔡

謨又踵修其事晉始則有荀顗鄭沖裁成國典江左則

有荀崧刁協損益朝儀

魏咸熙元年七月晉王奏司空荀顗定禮儀太保鄭沖摠裁

列傳荀顗咸熙中蜀平命顗定禮儀顗上請羊祜任

愷庾峻應貞孔顗共刪改舊文撰定晉禮

顗明三禮

裴秀

魏咸熙初荀顗定禮儀賈充正流律而秀改官制議五

等之爵創制朝儀 張華晉史及儀禮憲章並屬

於華多所損益 摯虞元康中遷吳王友時荀顛

撰新禮使虞討論得失而後施行 應貞與荀顛

撰定新禮 唐志儀注類摯虞決疑要注一卷

文選

東京賦注後漢祭祀志注  
魏王粲傳注引決疑要注

宋志魏初則王粲衛

覬典定衆儀蜀朝則孟光許慈創理制度晉始則

荀顛鄭沖詳定晉禮江左則荀崧刁協緝理垂紊

其間名儒通學諸所論叙往往新出 摯虞新禮

議魏氏無巡狩故事 齊志光祿大夫蔡謨又踵  
修輯

晉新定儀注

隋經籍志儀注類新定儀注四十卷晉安成太守傅瑗  
撰又晉雜儀注十一卷晉尚書儀十卷甲辰儀五卷江  
左撰封禪儀六卷職官類晉新定儀注十四卷梁尚書  
職制儀注四十一卷 唐志晉尚書儀曹新定儀注四  
十一卷晉儀注三十九卷傅瑗晉新定儀注四十卷晉

尚書儀曹古禮儀注三卷晉尚書儀曹事九卷晉雜儀注二十一卷書正義晉初荀顛定新禮以六宗之神諸說不同廢之摯虞駁之謂宜依舊

晉修禮學

戴邈傳元帝草創學校未立邈上疏曰帝王至務莫重於禮學宜以三時之隙漸就修建於是始修禮學

晉中興朝儀 中興故事

荀崧傳元帝踐阼拜尚書僕射使崧與刁協共定中興

朝儀 成帝紀咸康六年初依中興故事朔望聽政東

堂 蔡謨傳於禮儀宗廟制度多所議定 刁協

傳朝臣無習舊儀者協久在中朝諳練舊事凡制

度皆稟於協 梁江舊悉朝儀故事撰江左遺典

三十卷

齊職儀

又見  
官制

南齊王珪之有史學撰齊職儀永明九年子顥上啟曰  
臣父以宋元徽二年被敕纂集等級掌司黜陟遷補章

服之差冠佩之飾凡五十卷詔付秘閣 百官志諸臺  
府郎令史職吏以下具見長水校尉王珪之職儀世祖  
敕儀曹令史撰江左以來儀典令詔受徐孝嗣 南史  
袁樞議引齊職儀 隋志齊職儀五十卷長水校尉王  
珪之撰梁有王珪之齊儀四十九卷亡

梁儀注

隋禮儀志高堂生於所傳士禮亦謂之儀黃初之詳定  
朝儀太始之削除垂謬宋書言之備矣梁武始命羣儒



裁成大典陳許亨奏曰梁儀注曰一獻為質三獻

為文事天之事故不三獻 經籍志梁丘仲孚皇

典二十卷

仲孚又撰尚書具事雜儀

鮑泉撰新儀三十卷鮑行

卿撰皇室儀十三卷 唐志王逸齊典四卷丘仲

孚皇典五卷 周典嗣撰職儀 北史魏王慧龍

撰帝王制度十八篇號曰國典常景修儀注撰大

和後朝儀已施行者凡五十餘卷 隋志王遂之

禮儀制度十三卷

儀注

唐志常景後魏儀注五十

卷

齊梁五禮 陳五禮

通典齊武帝永明二年詔尚書令王儉制定五禮至梁武帝命羣儒又裁成焉吉禮則明山賓凶禮則嚴植之軍禮則陸璉賓禮則賀瑒嘉禮則司馬聚又命沈約周捨徐勉何佟之張充庾於陵參會其事 齊志永明二年太子步兵校尉伏曼容表定禮樂詔尚書令王儉制定新禮立治禮樂學士及職局因集前代撰治五禮

梁徐勉傳受詔撰五禮普通六年畢表上之曰晉氏新  
禮荀顛制於前摯虞定於末齊永明五年伏曼容表求  
制禮樂時置學士十人修五禮諮稟王儉歷年未就又  
付何胤徐孝嗣遺文散失天監元年沈約等議五禮各  
置學士一人人各自舉二人抄撰嘉禮儀注以天監六

年五月七日上

十二帙一百十六卷五百三十  
六條司馬駿傳云一百十二卷

賓禮儀

注以六年五月二十日上

十七帙一百三十三卷五百  
四十五條賀瑒傳云一百四

十五卷軍禮儀注以九年十月二十九日上

十八帙一百  
八十九卷二

百四  
十條 吉禮儀注以十一年十一月十日上 二十六帙二百二十四卷

一千  
五條 凶禮儀注以十一年十一月十七日上 四十七帙五百十四

卷五千六百九十三條 又別副祕閣及五經典書各一通繕寫校

定普通五年二月始畢詔有司遵行大凡一百二十帙

一千一百七十六卷八千十九條 表以為網羅經誥玉振金聲義貫幽微理

入神契前儒所不入神契前儒所不入 隋志梁吉禮儀注十卷明山賓撰

賓禮儀注九卷賀瑒撰 案山賓撰吉儀注二百六卷

錄六卷嚴植之撰凶儀注四百七十九卷錄四十五卷

陸璉撰軍儀注一百九十卷錄二卷司馬敷撰嘉儀注一百十二卷錄三卷並亡存者惟十九卷自梁以來始以當時所行傳周官五禮之名各立一家之學紀天監初何佟之等述制旨并撰五禮一千餘卷帝稱制斷疑唐志嚴植之南齊儀注二十八卷沈約梁儀注十卷又梁祭地祇陰陽儀注二卷明山賓等梁吉禮十八卷梁吉禮儀注四卷又十卷梁尚書儀曹儀注十八卷賀瑒等梁賓禮一卷儀注十三卷陸璉梁軍禮四卷司

馬駘梁嘉禮三十五卷又嘉禮儀注四十五卷 南史

陳天嘉元年張崖為儀曹郎廣沈文阿儀注撰五禮文

阿撰儀禮八十餘條沈不害修五禮著五禮儀一百卷

沈德威兼  
五禮學士

唐志陳吉禮儀注五十卷張彥陳賓禮儀

注六卷

隋五禮

通典後魏孝文率由舊章擇其令典朝儀國範煥乎復  
振北齊則陽休之元脩伯熊安生後周則蘇綽盧辯字

文弼並習於儀禮隋文帝命牛弘辛彥之等採梁及北

齊儀注以為五禮

一本云文帝開皇二年命禮部尚書牛弘修五禮勒成百卷詔頒行之

辛彥之傳與牛弘撰新禮撰禮要一部 隋志隋朝

儀禮一百卷牛弘撰

開皇初弘撰儀禮百卷悉用東齊儀注以為準亦徵采王儉禮五年

正月戊辰  
行新禮

紀仁壽二年閏十月己丑詔楊素蘇威牛

弘薛道衡許善心虞世基王劼並修定五禮 唐志牛

弘潘徽隋江都集禮一百二十卷


隋志一百二十六卷  
序云十二帙 又

見禮類

欽定四庫全書

玉海  
卷六十八

四庫全書



玉海卷六十八



欽定四庫全書

子部

玉海卷六十九

詳校官給事中臣查善長

主事臣祁韻士覆勛

總校官進士臣朱 鈐

校對官編修臣沈清藻

謄錄監生臣邱桂蟾

欽定四庫全書

玉海卷六十九

宋 王應麟 撰

禮義

禮制

下

唐貞觀禮 大唐儀禮

禮樂志自梁以來始以其當時所行傳於周官五禮之名各立一家之學唐初用隋禮至太宗時中書令房玄

齡秘書監魏徵與禮官學士等因隋之禮增以天子上陵朝廟養老大射講武讀時令納皇后皇太子入學太常行陵合朔陳兵大社等

共二十九事

為吉禮六十一篇賓

禮四篇軍禮二十篇嘉禮四十二篇凶禮十一篇是為

貞觀禮

通鑑百三十八篇與禮樂志數合

吉禮之別有大祀中祀小祀

而天子親祠者二十有四大祀天地宗廟五帝中祀日星社稷岳瀆小祀風雨靈星山川焉賓禮則以待四夷之君長與其使者蕃國來朝遣使迎勞授館將幣擯享

之節焉軍禮之分曰親征曰遣將曰宣露布曰講武曰狩田曰大射而其節則有旗鼓刀稍弓矢跪起偃伏之節焉嘉禮之重者曰加元服曰皇太子冠曰冊后曰太子納妃曰元會曰臨軒冊太子曰讀時令曰養老更曰鄉飲酒正齒位焉凶禮天子禮闕 藝文志儀注類大唐儀禮一百卷長孫無忌房玄齡魏徵李百藥顏師古令狐德棻孔穎達于志寧等撰 吉禮六十篇賓禮四篇軍禮二十篇嘉禮四十二篇凶禮六篇國恤五篇摠

一百三十篇貞觀十一年上

當參會要

會要武德初朝廷

草創未遑制作郊禋享宴悉用隋代舊貞觀初詔房喬

魏徵禮官學士修改舊禮

王珪與諸儒正定五禮書成封一子縣男

著吉禮

六十一賓禮四軍禮十二

志軍禮作二十篇

嘉禮四十二凶禮

六國恤五總一百三十篇分為一百卷凡增二十九件

餘並依古禮七年正月二十四日獻之詔行用焉

通典貞觀

七年頒示

舊紀貞觀十一年正月甲寅房玄齡等進所修

五禮詔所司行用之

通鑑十一年三月庚子  
上丙午詔行之

按是書以

貞觀十一年正月甲寅上三月丙午始詔頒行實錄  
舊史所載可攷通典會要乃以為七年 高祖入關  
禮典湮缺實威多識故事裁定制度帝曰今之叔孫  
通也 房杜為相時天下新定臺閣制度憲物容典  
率二人討裁 溫大雅與實威陳叔達參定禮儀會要  
聖歷元年禮官云貞觀顯慶禮及祠令並無王者

告朔之事

同上

唐三師儀注

見備官類

會要貞觀十一年太宗謂魏王泰曰禮部尚書兼魏王師王珪汝之事師如事我也十七年詔令撰三師儀注太子出殿門迎先拜三師拜每門讓三師坐太子乃坐與三師書前皇恐後名皇恐再拜

唐典儀

會要典儀二人隸門下省初用人皆輕

李師政貞觀門下典儀貞

觀末李義府為之後常用士人六典周官有司儀蓋

典儀之任掌贊唱之節及設殿庭版位之次

又禮樂志

唐類禮 義疏

魏徵傳始喪亂後典章湮散徵奏引諸儒校集秘書國  
家圖籍粲然全整嘗以小戴禮綜彙不倫更作類禮二

十篇數年而成帝美其書錄寘內府

朱文公曰今此書不復見甚可惜也

志魏徵次禮記二十卷亦曰類禮

又陸贄類禮二十卷

元行沖

類禮義疏五十卷 集賢注記張說奏曰魏孫嚴炎始

改舊本以類相比有同抄書先儒所非皆不行用徵因

炎舊書整比為注

隋志禮記三十卷魏秘書監孫炎注

諫錄戴氏禮并



為注解二帙二十卷上之詔曰禮經殘缺戴聖爰記舊聞古今所宗條目雜亂先儒傳授莫能釐正徵有志討論依聖所記更事編錄以類相從別為篇第并更注解文義粲然宜付秘書仍繕寫賜皇太子及諸王并賜物千匹 會要貞觀十四年五月二十一日詔以特進魏徵所撰類禮賜皇太子諸王并藏本于秘府徵以禮經遭秦滅學戴聖編之條流不決乃刪其說以類相從為五十篇合二十卷上善之賜物千段

志又有禮類聚十卷

開元十

四年八月八日太子賓客元行沖等撰禮記義疏五十卷上之張說駁奏遂不得立學留其書內府行沖意諸

儒排已著論自釋元行沖傳魏光乘請用徵類禮列

于經帝命行沖與諸儒集義作疏將立之學乃引國子

博士范行恭

注記云  
文元忠

四門助教施敬本采獲刊綴為五

十篇上于官右丞相張說建言戴聖所錄向已千載與經並立不可罷魏孫炎始因舊書摛類相比有如鈔綴諸儒其非之至徵更加整次乃為訓注恐不可用帝然

之書留中不出行沖意諸儒間已著論自辯名曰釋疑  
曰小戴禮行於漢末馬融為傳盧植合二十九篇而為  
之解世所不傳康成於竄伏之中理紛拏之典雖存探  
究咨謀靡所具鄭志者百有餘科章句之徒曾不是省  
王肅因之或多攻詆而鄭學有孫炎雖扶鄭義條例支  
分箴石間起增革百篇魏氏疾羣言之冗胙采服說之  
精簡刊正芟龔書畢以聞太宗嘉賞錄賜儲貳云云改  
易章句是有五難

集賢注記左贊善大夫魏哲因入內侍讀奏魏文貞所編禮記甚有條流

詔行沖  
修疏

唐顯慶禮 永徽五禮

禮志高宗又詔長孫無忌杜正倫等增之為一百三十卷是為顯慶禮其文雜以式令議者以為非上元三年詔復用貞觀禮終高宗世貞觀顯慶二禮兼行 王仲丘傳開元中典章差駁仲丘欲合貞觀顯慶二禮據有其舉之莫可廢之誼上言請祈穀雩祀明堂二禮皆用

詔可

貞觀禮明堂依鄭義祀五帝顯慶禮祀昊天上帝乾封二年敕祀五帝又制兼祀昊天上帝

會要永徽二年議者以貞觀禮未備又詔長孫無忌等

十三人緝定勒成一百三十卷二百九十九篇

舊史五十九

至顯慶三年正月五日

戊子

奏上之高宗自為之序頒行

中外蕭楚材孔志約以國恤禮為豫凶事敬宗義府然  
之於是刪去至上元三年三月敕依貞觀為定儀鳳元  
年又詔依周禮二年八月少卿韋萬石奏詔尚書省議  
自是每有大事參會古今禮文臨時撰定明堂大饗兼  
用貞觀顯慶二禮 舊紀顯慶三年正月戊子無忌等

修新禮成詔頒天下 藝文志永徽五禮一百三十

卷長孫無忌等八人撰二百九十九篇顯慶三年上

賀紀傳高宗時豫修五禮 垂拱二年二月新羅

句唐禮武后賜吉凶禮并文辭五十篇 路敬淳傳

受詔纂輯慶卹儀典武后稱之 韋叔夏傳武后詔

五禮儀物司禮博士有所修革須叔夏等評處然後

以聞 王方慶傳練朝章尤精三禮門人次為雜禮

答問

唐開元禮 開元後禮

志玄宗開元十年以司業韋縉為禮儀使掌五禮十四

年通事舍人王崑請刪去禮記舊文而益以今事

附唐制度

詔付集賢院議張說以為禮記不刊之書不可改唐貞

觀顯慶禮前後不同宜加折衷以為唐禮

通鑑正月奏

乃詔

集賢學士徐堅李銳施敬本撰述歷年未就蕭嵩代說

為學士奏起居舍人王仲丘撰定為一百五十卷

書目同

是為大唐開元禮

通鑑二十年九月乙巳新禮成上之號曰開元禮通典同

由是五

禮之文始備二十年九月頒行之

中書令高賜絹綵二百餘各一百

六典禮部凡五禮之儀一百五十有二

通典云百五十有一

吉禮

其儀五十有五

圜丘至拜掃

賓禮其儀有六

蕃國朝至燕蕃使

軍禮

其儀二十有三

親征至儺

嘉禮其儀五十

皇帝加元服至宣赦

凶禮其

儀十有八

振荒至王公禮制通議

新五禮開元二十年修凡一百

五十卷太常博士新五禮儀式

會要開元二十六年

六月二十七日渤海求寫唐禮許之貞元二年六月敕

習開元禮者舉一人同一經例九年五月敕問大義百



條試策三道大中五年十一月太常禮院奏私廟並准

開元禮及曲臺禮為定制 藝文志開元禮一百五十

卷張說請修貞觀永徽五禮命賈登張烜施敬本李銳王

仲丘陸善經洪孝昌撰緝蕭嵩總之人名與禮志詳畧不同蕭嵩

開元禮儀鏡一百卷書目止第一至第五卷又有義鏡畧十卷開元禮京

兆義羅十卷類釋二十卷國史志類釋十二卷百問二卷書目凡百篇分

上下兩卷韋渠牟貞元新集開元後禮二十卷會要貞元十七

年七月上 通典本百五十卷纂例成三十五卷冀尋

閱易周 集賢注記開元禮序例三卷吉禮七十  
五卷賓禮二卷嘉禮四十卷軍禮十卷凶禮二十  
卷 辛秘登開元禮科 開元五年田再思議曰  
鄭王祖經宗傳各有異同苟摯采古求遺互為損  
益

唐禮儀使

會要開元九年正月韋瓘除司業仍知太常禮儀事天  
寶九載十月置禮儀使以左庶子韋述為之至德二載

閏八月二十九日戶部侍郎崔器乾元元年四月太常

少卿王璵並知禮儀事十八日璵同平章事為禮儀祠

祭等使二年九月七日工部侍郎于休烈廣德元年太

常卿杜鴻漸永泰元年八月十三日

辛亥

禮部尚書裴

士淹並為使大厯五年三月二十六日

乙丑

停禮儀使事

歸太常七年正月十九日

辛丑

復置使以太常卿楊綰兼之

十四年五月二十日吏部尚書顏真卿為使建中元年停

自後南郊大禮權置使畢日停

辛秘再辟  
禮儀使府

禮志開元

十一年親享圓丘中書令張說衛尉少卿韋縉為禮儀使崔縱傳貞元元年天子郊見為大禮使摶裁文物儉而不陋崇文目儀注類使範一卷王晉記開元以後使者所用章奏文牒之式凡十二篇國史禮志太

常禮院領屬太常祥符中增置禮儀院天聖初

元年四月辛丑

罷為禮院康定初改判院為判寺兼禮儀事其同知院事必先申寺唯大禮則禮儀置使

唐曲臺新禮 續曲臺禮 元和新禮

禮志元和十三年八月太常博士王彥威

會要云禮院檢討官集

開元二十一年以後至元和十三年正月五禮裁制敕

格為曲臺新禮三十卷上之又採元和以來至長慶典

禮故事不同者益以王公士民昏祭之禮為續曲臺禮

三十卷

志會要崇文目卷同

藝文志王彥威元和曲臺禮三十

卷又續曲臺禮三十卷

傳彥威為檢討官采獲隋以

來下訖唐凡禮沿革皆條次彙分號元和新禮上之詔

拜博士 會要彥威疏曰自開元二十一年已後迄聖

朝垂九十餘年法通沿革禮有廢興每有禮儀大事命  
禮官博士約舊損益修撰儀注以合時變臣今所集錄  
開元以後至元和十三年奏定儀制不惟與古禮有異  
與開元儀禮已自不同矣禮科者名數之總與儀注相  
扶而行闕一不可今備禮科之單複欲使開卷盡在按  
文易徵其他五禮儀式或舊儀不載而與新創不同者  
次第編錄曲臺實禮之藏故名曰元和曲臺新禮并目  
錄成三十卷

大順元年舊章散失禮院用王彥威曲臺  
禮欲梯別廟太后于太廟博士殷盈孫非

之

書目續曲臺禮共目錄成三十卷先約舊章始從  
變禮以商權沿革新說舊規貫於首篇詳為注釋嗣續  
前事 裴瑾為崇豐二陵集禮藏太常書閣抑宗元序  
曰韋孟以詩禮傳楚而郊廟之制卒正於玄成鄭玄以  
箋注師漢而禪代之儀卒集於小同賈誼以經術起而  
嘉寂好學盧植以儒學用而謀為祭法舊史咸以為榮  
五代會要武德議廟之初英才間出如溫魏顏虞通今  
古封蕭薛杜達禮儀制度憲章必有師法

唐禮閣新儀

志元和十一年秘書郎韋公肅錄開元以後禮文損益

為禮閣新儀三十卷

崇文目二十卷  
藝文志三十卷

曾鞏序曰三十

篇章公肅撰記開元以後至元和之變禮集賢院書二

十篇以目錄考次序則篇次亦亂因定著從目錄而三

十篇復完此書所紀雖其事已淺然凡世之記禮者皆

有所本而一時之得失具焉昔孔子於告朔愛其禮之

存况著於一代之典籍哉禮者其本在於養人之性其



用在於視聽言動之間 中興書目公肅取開元以後  
至元和十年沿革損益為此書凡十五門每門又別其  
條目為三十卷一卷為目錄止二十九卷今卷存而書  
不全 韋公肅傳元和初憲宗將耕籍詔公肅草具儀  
典

唐詳定典制

鄭餘慶傳遷左僕射憲宗患典制不倫謂餘慶淹該前  
載詔為詳定使 舊史元和十三年餘慶為禮儀詳定使 俾參裁訂正餘慶

引韓愈李程為副崔郾陳佩楊嗣復庾敬休為判官增  
損儀矩號稱詳衷 志餘慶書儀二卷裴度書儀二卷  
唐古今禮要

段文昌傳荊州節度使裴胄採古今禮要為書數從三  
昌質判所疑 會要大順元年博士殷盈孫議引古今  
禮要云周立姜嫄別廟

唐紫宸禮要

志武后十卷

唐禮纂要

志柳逞六卷

崇文目同

唐五禮要記

志韋叔夏三十卷

叔夏通禮學歷太常博士少卿春官員外郎侍郎每立一議衆諮服之

編

唐禮樂集

志顏真卿十卷禮儀使所定王方慶古今儀集五十卷

書目歷古創制儀五卷顏真卿撰

唐五禮精義

志經錄禮類韋彤十卷

崇文  
目同

書目唐太常博士韋彤

撰十卷凡二百九十二條每條設問對先援古禮參以唐制辨據為詳

唐六十一家儀注

志儀注類六十一家一百部一千四百六十七卷始於衛宏漢舊儀次董巴輿服志終於裴矩虞世南唐書儀若衛宏傅瑗張鏡嚴植之沈約鮑泉明山賓賀瑒陸璣

司馬聚張彥常景趙彥深高頴牛弘潘徽摯虞崔豹范  
汪何胤何點崔皓盧諶張大頤姚璠令狐德棻孟利貞  
裴守真郭山暉之類則五禮儀注之書也若董巴之志  
徐廣車服雜注大駕鹵簿周遷蕭子雲雜事則輿服之  
書也以議名者有何晏等魏晉謚議魏氏郊丘高堂隆  
訪議孔晁明堂郊社蔡謨七廟干寶荀顛雜議以典名  
者有范汪祭典王景之要典王逸齊典丘仲孚皇典盧  
辨祀典家儀書儀則有徐爰王儉鮑衡卿謝朓謝允唐

瑾裴矩虞世南之書玉璽譜錄則有紀僧真姚察徐令  
言之書雜記則有童悟東宮雜事典記之書失姓名三  
十二家不著錄自竇維縻禮要以下至杜有晉書儀四  
十九家八百九十三卷貞觀永徽開元禮在焉 隋志  
儀注自漢舊儀至要典雜事五十九部二千二十九卷  
六典儀注自漢舊儀等五十九部二千二十九卷

崇文目一十八部一百十卷始于正辭錄終于鹵簿圖  
記 中興書目六十家一千二百二十三卷 唐舊志

儀注八十四部一千一百四十六卷自漢舊儀至皇太子方岳亞獻儀

周通禮

世宗顯德五年十一月庚戌敕竇儼集通禮儼上言禮者太一之紀品物之宗自五帝之後三代以來損益因革咸有憲章越在唐室程軌量昭采物則有開元禮在紀先後明得失則有通典在錄一代之事包五禮之儀比類相從討尋不紊則有會要在三者經國之大典也

梁朝之後戎祀朝會多於市廛草定儀注前代矛盾率  
多牴牾請依唐會要門類上自五帝迄于聖朝悉命編  
次開元禮通典之書包綜于內名曰大周通禮俾禮院  
掌之

開寶通禮 義纂

開寶四年五月命中丞劉溫叟中書舍人李昉知制誥  
盧多遜扈蒙詹事楊昭儉補闕賈黃中司勳郎和峴中  
舍陳鄂以本朝沿革制度損益開元禮為之

劉溫叟卒  
又以知制



誥張澹其年六月丙子書成上之凡二百卷目錄二卷  
參其事

號曰開寶通禮藏於書府

長編云四年六月丙子初命  
修書六年乃成實錄本紀恐

誤六年四月十八日辛丑翰林學士盧多遜又上新修開

寶通禮義纂百卷

長編云通禮二百卷亦  
四月辛丑與義纂同上詔付禮院是

行通其禮部先有鄉貢開元禮一科自今宜改稱鄉貢

通禮逐年攷試並以新本出題

天聖元年五月庚午改  
為正禮 太祖尤重典

禮建隆二年集三禮圖  
熙寧廢通禮科元祐六年四月乙未復置

崇文目通禮二百

卷義纂一百卷 通畧開寶四年上謂國家沿革制度

多以開元為據然今有所未備乃命撰通禮至是成六月丙子上之

淳化內外官儀制

又見朝儀

四年六月甲戌尚書省重定內外官參集儀制及比視

品秩以聞詔有旨頒行

祥符定羣臣儀制

見朝儀

三年

十二月王欽若等上天書儀制五卷四年十月戊辰賜學士李宗諤宴上曰翰林清華之地卿父子為之必周知故事宗諤嘗著翰林雜記國朝新制翌日上之手詔

褒答

景德閣門儀制 合班圖

景德元年二月壬午翰林學士梁顥知制誥李宗諤通事舍人焦守節等言詔詳定閣門儀制令重加刊正以

類分門共成六卷

會要云咸平六年十一月於長春殿面奉聖旨閣門儀式若全依典故恐

難遵行且約見行儀式重加增損令各分類例共成六卷其有合增損詳定處並貼黃進呈

其春秋

大宴小宴賞花行幸宴會各按合班圖位次為四圖請

班下閣門遵守仍先勒三館寫儀制四本

一進內二送閣門克正副

一送御史臺從之初上以閣門儀制多出於曹史之言殊無

規矩乃命顯等詳定至是來上祥符元年八月丁未中書門下言合班儀門下中書侍郎相承在左右常侍之下望升在常侍之上合班次六尚書從之四年六月庚申詔右諫議陳彭年與龍圖閣待制張知白王曉四方館使白文肇東上閣門使魏昭亮同詳定閣門儀制五年六月丁未草具進呈賜食于起居院

實錄云上儀制詔付有司 閏

十月庚寅龍圖閣學士陳彭年等進新定閣門儀制十

卷客省事例六卷四方館儀制一卷帝曰修錄詳備甚有倫理特詔獎諭賜器幣儀制各付有司遵行又以別

本留中

九年正月己巳詔  
宗正定宗室班圖

景祐三年正月二十一日

丙午四月館使夏元亨請修定閣門儀制

元亨言祥符後  
續降詔敕或有

重復請  
復編次

命翰林學士承旨章得象知制誥李淑同詳定

康定元年四月修成閣門儀制十二卷四方館條例

一卷客省條例七卷長編寶元二年二月庚寅詳定

閣門客省四方館儀制所上新編儀制十三卷治平元

年閏五月詔閣門一月一次進班簿 志熙寧二年四月二十三日命宋敏求編修閣門儀制取唐宣政殿制裁定有司請製大黃麾以立仗帝重其事以為寧闕而未備及政和上大慶文德紫宸受朝之儀而儀衛益盛書目合班儀仁宗朝修定 國史志宋綬內東門儀制五卷李淑閣門儀制十二卷梁顥閣門儀制六卷

祥符御史臺儀制

書目六卷祥符中參政張知白等詳定

天聖禮閣新編

天聖五年十月辛未太常博士同知禮院王皞所撰禮

閣新編六十卷

或作五十卷  
書盡乾興

初天禧中同判太常禮院

陳寬請編次本院所承詔敕其後不能就皞因取國初

至乾興所下詔敕刪去重複

凡千八百  
三十道

類以五禮之目

成書上之賜五品服

志云大率吏文無著述之體而  
所載本末全具有司便於檢用

熙寧十年七月二十七日丙子詔太常禮院續修禮閣新

編

天聖內東門儀制

九年六月庚辰翰林學士宋綬西上閣門使曹琮夏元亨新編皇太后儀制五卷詔名內東門儀制 五代史鄭餘慶采唐士庶吉凶書疏之式雜以當時家人之禮為書儀兩卷後唐明宗詔劉岳刪定與段顯田敏增損其書而事出鄙俚轉失其本然猶時有禮之遺制後世士庶吉凶皆取嶽書為法而十又失其三四五服制度附于今自馬縞始 中興書目曲臺奏議集上



下兩卷五代唐祕書監陳致雍撰徐鉉序五禮儀鏡六卷致雍撰止有嘉軍凶三禮儀疑非全書儀二卷劉岳撰

景祐太常新禮 慶厯祀儀

景祐四年三月庚子同知太常禮院吳育言今禮院所藏禮文故事未經刊修而類例不一請擇儒臣與本院官約古今制度參定為一代之法從之至慶厯四年正月辛卯提舉賈昌朝編修官孫祖

德李宥張方平呂公綽曾公亮王洙孫瑜余靖刁

約上之為太常新禮四十卷慶厯祀儀六十三卷

賜器帛

書目云凡一百二十篇止慶  
厯三年志云漏畧短於采獲

寶元二年

六月丁卯天章待制賈昌朝直史館宋祁同修纂  
禮書康定元年十月癸巳館閣校勘刁約歐陽修

同修禮書

嘉祐朝制要覽

書目十五卷凡四十門嘉祐中宋咸撰載朝廷制作有

司儀式 中興書目有皇朝儀物志三卷記皇朝見  
行禮儀及名物制度訖于神宗朝

治平太常因革禮 元豐紹興續編因革  
禮

嘉祐六年七月己丑命姚闢蘇洵同禮官編纂禮書初  
判太常寺歐陽修言太常典禮所在而文字散失請命  
官纂集庶以備討論而傳後世時朝廷重置局止命禮  
院官是歲祕閣校理張洄奏請擇文學該贍者三兩人

置局命判寺一員總領知制誥張瓌又奏欲謹擇有學術方正大臣與禮官精議是非釐正紬繹然後成書時修為參政又命之提舉治平二年九月辛酉書成凡百卷有序一篇目錄一卷以開寶通禮為主而記其變其無所訟於通禮者謂之新禮通禮所有而建隆以來不復舉者謂之廢禮凡立廟有議論謂之廟議餘即用通禮條目修與判寺李柬之等上之詔賜名曰太常因

草禮

自建隆  
沈嘉祐

藏之祕閣

志云異於舊者十三四  
然繁簡失中缺亡不補

元豐

七年六月六日甲戌尚書禮部言歐陽修等修因革禮  
始於建隆迄於嘉祐為百卷嘉祐以後闕而不錄熙寧  
以來禮文制作足以垂法萬世宜下太常委博士接續  
修纂以備討閱從之九月二十三日詔禮官續編訖于  
元祐初 紹聖三年禮部尚書林希言近年缺而不續  
四月己巳詔復編 政和三年二月中書舍人蔣獻請  
續修之後見 宣和三年四月二十六日臣僚請五年一  
修從之 紹興元年七月七日章惇上歐陽修編纂太

常因革禮一百卷詔付太常 是年十一月八日辛丑

太常少卿趙子晝言政和宣和續編因革禮渡江皆散

失欲自渡江以後修纂成書目為紹興續編太常因革

禮詔可其後

明年

太常以總例及吉凶嘉新四禮凡八十

六篇二十七卷

或云三十卷

始於建炎至紹興二年編類粗

成未以進御九年太常丞梁仲敏言紹聖三年以後修

纂尚缺請委官編類詔本寺續修不克成書 淳熙十

二年三月庚子始進中興禮書三百卷

熙寧閤門儀制

見上

七年八月癸巳右諫議集賢學士宋敏求上編修閤門  
儀制十冊

元豐郊廟奉祀禮文

元豐元年正月十二日

戊午

詔判太常寺樞密學士陳襄

同修注黃履集賢校理李清臣王存詳定郊廟奉祀禮  
文太常簿楊全著作佐郎何洵直直講孫諤為檢討官  
先是手詔講求郊廟禮文令奉常置局討論歷代沿革

以考得失故命襄等二年正月六日

丙子

命陸佃兼詳定

三年正月二十五日又命張璪詳定閏九月二十五日

中書請令檢討官楊全編類上進以備乙夜之覽副在

有司從之五年四月壬戌

十一日

成書三十卷目錄一卷

崇文院校書楊全編類以進紹興十九年十一月癸未

著作佐郎劉章請命官為紹興郊廟奉祀禮文以續元

豐之書上嘉納書目每篇先敘歷代沿革次以議奏

以見其施行與否四朝志天子銳意稽古禮文之事



招延羣英折衷同異元豐有詳定禮文所大觀有議禮局政和有禮制局

元祐禮書

五年十一月一日壬戌給事中范祖禹言太祖時聶崇義所撰三禮圖書於國子監講堂伏見太常博士陳祥道專意禮學所進禮書一百五十卷比崇義圖尤為精密請付太常與崇義圖參用詔兩制看詳以聞

政和五禮新儀 御製冠禮

書目二百四十卷鄭居中等撰二百二十卷御製序一卷御筆指揮九卷御製冠禮十卷合二百四十卷又目錄六卷在外 政和三年正月二十九日壬午頒行五禮新儀先是大觀元年正月朔詔講求典禮十三日尚書省置議禮局二年十一月十七日御製冠禮沿革十一卷付議禮局餘五禮令視此編次四年二月九日戊寅修成大觀新編禮書吉禮二百三十一卷祭服制度十六卷祭服圖一冊詔行之政和元年三月六日續編

成賓軍等四禮四百九十七卷詔頒行於是鄭居中等  
奏編成政和五禮新儀并序例總二百二十卷目錄六  
卷三年三月癸亥朔御製序曰循古之意而勿泥於古  
適今之宜而勿牽於今議禮局請刻石太常寺七月已  
亥詔比哀集三代鼎彝簋盥盤匱爵豆之類五百餘器  
載於圖詔有司改造祭器置禮制局討論古今沿革以  
成一代之典六年閏正月太府丞王鼎言新儀藏在有  
司民未通曉望依新樂頒行令州縣各禮生肄業使之

推行民間并以新儀從事二十五日從之 范寅賓新  
儀撮要十五卷 紹熙二年八月黃灝請掇取冠昏喪  
祭儀摹刻放郡縣奏可 元豐六年六月四日詔集議  
大典禮令秘書省長貳與

政和續因草禮

四年葛勝仲為太常少卿自建隆至治平初所行典禮  
嘗為書百篇勝仲續其書自治平迄政和四年部居條  
目皆視歐陽修之舊總例凡五十三卷吉禮九十四卷

賓禮十三卷軍禮四卷嘉禮三十三卷凶禮七十七卷  
廟議二十七卷合三百卷目錄三卷與前書併藏奉常  
又編纂太常祠祀儀制格目每歲大祠凡九十有六中  
祠凡二十有九小祠凡一十有四每祠為一卷歲再祀  
或四時祀或月祀若祭名異而祀儀相類則合一卷凡  
四十八卷標錄二卷 續因革禮序曰政和三年二月  
中書舍人蔣猷建言詔命撰次至二年終四年十月詔  
編至四月終明年六月書成 國史志開寶已後三輯

禮書推其要歸嘉祐尤悉然繁簡失中訛缺不備豈有所拘而不得騁乎

紹興太常初定儀注

書目三卷紹興中太常所定

明堂

元年九月十八日行禮十年再定儀

注 郊祀大禮

十三年十月十三日定儀十一月八日郊

大禮前朝獻景靈宮

七年八月十七日定明堂朝獻之儀十三年十月四日定迎奉神御款謁之儀十二日定郊祀朝獻之儀朝

饗太廟

十三年十月十二日定郊祀朝饗之儀

四孟朝獻

十三年七月十八日巳未定儀

親饗太廟

十二年十二月十四日定儀

藉田

十六年正月五日定儀二十一日行禮

親

祠高禩

二年二月二十一日定宮中飲福受  
昨之儀十七年二月三日定親祠

上皇太后

冊寶

十年十一月十一日定儀  
十二月十二日壬午行禮

中宮受冊寶

十三年閏  
四月十三

日定儀十  
七日行禮

正旦大朝會儀注

十四年十二月二十三日  
定儀十五年正旦行之

行宮門肆赦儀注

十三年十月  
十三日定

天申節紫宸殿上壽儀

注

十三年五月七日定  
二事書目中不載

紹興元年始作蒼壁黃琮

十年明堂始備大樂飲福用金爵十二年製常行

儀衛十三年始復朔日視朝之禮又行益饗備五

輅及建金雞肆赦祠祭始用牲十四年復教坊建

宗學作渾天儀十五年初藉千畝及行大朝會禮  
作新祭器十六年始備八寶鑄景鍾建御書院太  
廟祔室及賜講畢御筵十七年始命太常行園陵御史  
監視及賜新進士聞喜宴十八年始繪配享功臣像于  
景靈宮庭之兩壁十九年始復蜡祭及諸陵薦新二十  
七年始復太廟功臣七祀之祭及諸大祀蓋自息兵後  
將二十年而禮樂始備

紹興禮器 射殿觀郊廟禮器



紹興四年四月六日禮官言明堂大禮自天地至從祀諸神七百七十一位當用籩豆簋簠尊壘彝鼎之屬九千二百五太廟用五百九十六舊用銅玉者權以陶木代之

會要云十三年二月九日禮官討論郊廟祭器云云

五月二十五日甲戌太

常看詳胄監丞王普所言今祭器倣三禮圖非是請改

作

善上言十二事

普上言陶匏用於郊丘玉爵用於明堂又言

十二尊之數每祭特用其四一實醴齊一實明水以待朝踐一實盎齊一實明水以待再獻餘以實五齊三酒

是為八尊設而不酌又言按儀禮圖爵如爵形負蓋於背不可以反坫簠簋如桶其上為龜不可以卻蓋而播餘蓋出於意度而未嘗親見古器也自劉敞著先秦古器記歐陽修著集古錄李公麟著古器圖呂大臨著攷古圖親得三代之器政和新成禮器制度皆出於此度江散失無存欲並從古器制度為定

時政和新成禮器獨存五件請用政

和新禮改造皆未克行

九年八月十五日詔禮官討論祭服禮器

十二年五月十九日有司請增修太廟祭器十三年二

月二十七日放宣和博古圖俾禮官釐正改造大禮祭器悉從古制十四年七月丁巳命有司改作祭器給事中段拂戶部侍郎王鈇董其事三年乃成十五年十月二十七日王晉錫言大禮饗廟禮器已對御府博古圖畫樣製其尊壘等五百九十六件合討論製造詔拂等討論十一月癸亥宰執奏新製祀享禮器事十二月十七日上諭大臣將來禮器成宜以制度放示州縣俾之遵用庶革舛誤十六年三月二十六日禮官請如政和

六年郊廟禮器之數於天地宗廟每神位用籩豆各二十有六簋蓋各八八月庚戌宰臣奏禮器將畢上曰鍾磬音律皆缺惟黃鍾大呂未應律宜詳加講究冬十月郊廟新禮器成戊戌二日上觀于射殿宰執侍從臺諫宗室禮官皆與觀撞景鍾奏新樂用皇祐故事也上曰祀帝享廟禮典一新於是段拂已下皆遷秩十一月丙子合祀天地于南郊備祭器設八寶如政和之儀由是禮器復新 乾道九年六月修飾太廟銅器二千一百七

十二 紹興十六年三月辛卯用政和制賜秦檜家廟祭器其後韋淵吳益楊存中吳璘虞允文皆賜 淳熙七年十月上問家廟制度且曰漢唐而下未有賜祭器者今禮官討論八年十月止令有司精製爵勺各一賜韓世忠家餘令禮官定禮式畫圖成冊賜之聽自造並用竹木從崔端詩議也

紹興皇宋大典

六年五月辛卯

二十四日

成忠郎李沆以高祖國子博士

文易新編皇宋大典三卷來上詔送秘府沈遷秩其  
書以皇朝所定班序圖次禮容儀式袞冕車輅旗章  
冊命之制與夫民兵吏祿祠祭戶口之數凡四十門  
釐為三卷

淳熙中興禮書 嘉定續中興禮書

太常少卿余端禮請編類書久不上淳熙七年七月十  
一日禮部郎范仲藝言太祖立經陳紀為萬世規首命  
大臣約唐禮書著為通禮列聖相承有禮閣新編太常

新禮因革禮五禮分門各以類舉自時厥後繼纂續編中興以來久缺不錄望命太常編次大臣兼領其事以著一代彌文考百世損益詔趣成書八年三月七日太常簿陳賈奏自紹興初載首行明堂至今五十餘年大典禮制作總為目者百一十四分門第卷不知其幾太常編類懼難辨集詔禮部長貳同刪修初紹興間太常少卿趙子晝為續因革禮三十卷其後禮官踵為之書成未得進御十二年三月二十七日權禮部侍郎史彌

大言太上再造講明典禮陛下紹統如內禪慶壽之類  
亘古所無宜宣取以進略經乙覽付之有司俾常遵守  
不必備儀衛施爵賞詔禮部太常寺繳進四月十七日

上之凡三百卷

或云三月庚子進常少王信  
序書日云成於十一年

賜名中興

禮書總六百八十門嘉泰二年八月十七日禮部尚書

費士寅等言禮寺以孝宗一朝典禮續纂中興禮書八  
十卷詔令繳進嘉定十一年三月丙申禮部員外郎李  
琪奏請令太常將慶元元年以後典禮編纂成書 淳



熙書目儀注類六十家定著一千二百二十三卷始於  
政和五禮新儀終於儀物志三卷續目八家九部  
四十三卷 祥符五年六月己未修國史院言所  
修禮志舊日厯止存事端令禮院取索國初以來  
禮文損益沿革制作之事及論議詳定文字尚慮  
有遺致大典未備孫奭判禮院禮學精博望委檢  
討從之

嘉定通禮

六年秘書少監李稹纂公侯守宰士庶為通禮三十卷  
取開寶政和凡通行者分別五禮類為一編 朱文公  
曰祭器經政和改制盡取古器物之存於今者以為法  
今郊廟所用則其制也而州縣專取聶氏三禮制度非  
復古制 司馬光書儀八卷 朱熹纂次古今家祭禮  
十有六篇 許洞撰訓俗書一卷 禮謂之文者尊卑異  
位親疎異情長幼異序內外異宜往來異守動而相交  
合而相紀莫不成文而中於義理序其品則曰人倫序

其義則曰禮文朝廷所以綱天下之風俗不可以一日無之也 禮之為國與天地並 上天下澤春雷奮作先王觀象爰制禮樂 其本則人心固有其文則聖人為之 禮者敬之經敬者禮之情無敬無以行禮無禮無以節敬 禮之本出於民情聖人因而導之禮之器出於民俗聖人因而節文之 禮始於天而成於人 張曹爭論於漢朝荀摯競爽於晉世 天高地下萬物散殊而禮制行矣 天理之節文人事之儀則 韓

宣子見周禮盡在魯知周所以王仲孫湫見魯秉周禮  
知魯未可動為天下國家者不可一日廢禮如此莊公  
有非禮之舉其臣諫以必書周王有非禮之宴戒其臣  
以勿藉先王之時凡禮文之事無不載之簡冊也士會  
不知穀蒸歸而講聚三代之典禮以修晉法孟僖子不  
能相儀答郊勞歸乃講學能禮者必從之君子耻不知  
禮如此 朝廷有大疑不必聚諸儒之訟國家有盛容  
不必蒞野外之儀 禮上下之紀天地之經緯也其事

朝聘冠昏喪祭射饗其用郊廟朝廷闈門學校鄉黨田  
役其物圭璧冠珮車輿贊幣俎豆弓矢其容齋莊恭肅  
雍和剛毅忻懽慘戚其人君臣父子兄弟夫婦朋友長  
幼其効嚴上下定尊卑決嫌疑別同異事天地寧鬼神



玉海卷六十九